

欽定大清會典事例

欽定大清會典事例卷九百五

工部

河工 河工經費歲修搶修二

嘉慶四年

論挑濬河工津貼銀兩。雖因挑河公用。究係例外議增。現在承辦河工。止准調派丞倅等官。幫同河員辦理。該員等無項可墊。亦屬實情。但耗羨銀兩。別款支用之處甚多。若全於耗羨內動支。則國家經費有常。部臣亦難覈准。儻各省俱以此藉口因公。紛紛籲請。勢難聽其一律開銷。如即在通省文職正印各官養廉

一概均攤。則養廉較少之員。勢必無以辦公。藉詞苛派。擾累閭閻。亦不可不防其漸。所有山東省例外津貼銀兩。覈定數目。究係若干。准其一半在耗羨項下動用。其餘一半。撫藩臬司道員所得養廉本屬豐厚。即在該員等名下坐扣歸款。設津貼銀需用三萬兩。耗羨內准其開銷一萬五千兩。下賸一萬五千兩。即於撫藩臬各道員養廉內分別坐扣。所有府廳州縣養廉較少。不必一律坐扣。以資辦公。如此辦理。在養廉優厚各員。每年所扣亦屬無多。正項既不虛糜。而養廉較少之員。亦不致有所藉口。該部即遵諭行。

五年奏准。永定河南北兩岸七工以下。即係下口。下口以下各隄。較之六工以上老壩。本屬單薄。向來止有疏濬引河之費。並無培築隄岸之工。現在河流北趨。水浸壩根。該廳汛照常年成例。估需挑挖引河銀四千七百餘兩。業經歸入歲修案內題銷。旋經該道親履勘驗。應行挑淤引流者。不過數段。即以節省挑淤之費。移為此隄。加高培厚之工。所有七工隄。工各加高三四尺。計長二千三百七十八丈。並於八口以下。添築挑水壩。並加以鑲埽。經費既未加增。工用咸

歸著實。嗣後下口一帶應疏濬者挑挖疏濬。應
培護者加築培護。不必專守挑淤之例。亦不得
逾歲修引河之費。以期因時制宜。○七年議准
永定河南北兩岸隄工。每年加增歲修銀一萬
兩。搶修銀一萬二千兩。以資工用。仍照舊定章
程。於年前先行赴部請領辦料備用。○十年奏
准。豫省黃河。每年豫籌銀三十萬兩。於地丁項
下提撥。備本年搶險之用。○十二年

諭。永定河埽段。加增料物不敷購辦。懇請酌添銀兩。所
奏非是。各省工程料物。部中遵照定例覈銷。一切例

外加增之款。在所必駁。如果工程緊要。料價實昂。則部駁上時。朕仍格外施恩。量加允准。若外省所奏情形不確。迹涉冒濫。即部臣不加覈駁。又豈能妄邀允准。永定河南北兩岸工程。歲修搶修原共銀二萬二千兩。迨嘉慶七年奏請增添歲修搶修銀二萬二千兩。數已加倍。原因六年異漲。非常年所有。彼時該處兩岸附近邨莊。產料不多。一切添辦埽工。購運實屬不易。是以特旨允准。自增添以後。不過數年。今又以兩岸險工。續添新埽。需用料物加饒。輒欲再增歲修銀一萬八千兩。似此逐年增添。伊於何底。永定河距

京甚近。設真有險要工段。所需料物較多。朕何難立
派大員前往查辦。今若以尋常工段。動議加增。易滋
冒濫之弊。所奏不准行。○十三年

諭。永定河添備料物。懇恩動支銀兩以濟要工。國家經
費有常。凡定額之外。斷不能屢議增添。前據該督奏
請酌添永定河歲修搶修銀兩。業經降旨飭駁。茲據
稱經費不敷。請動款豫買物料。以備另案險工支用
等語。事尚可行。著准其照數於司庫內每年豫領銀
一萬兩。俾先期豫購料物。貯工備用。仍歸入歲搶修
項下報銷。並著該督嚴飭各屬。覈實經理。毋任稍有

偷減浮冒等弊。○十四年

諭。永定河添備料物銀兩。曾經降旨。每年豫支銀一萬

兩備用。並非於例外加增。溫承惠遽以四千兩歸歲
修。六千兩歸搶修。分案報銷。經部議備料銀兩。於歲
搶修之外。動支一萬兩。是於額定銀數。又復加增。行
令仍照定額題銷。原係覈實辦理。惟是永定河南北
兩岸。工段綿長。自須於伏秋大汛之前。添備料物。隨
時鑲護。亦係實在情形。著加恩於永定河每年額銷
銀兩外。增賞五千兩。作為定額。仍准於例支歲搶修
項下。每年豫支一萬兩。以資購備料物之用。○又

諭永定河添備料物。已降旨每年加增五千兩。作為定額。並准於歲搶修項下。豫支一萬兩。以備工用矣。因思上年伏秋大汛時。雨水連綿。永定河水漲發。險工疊出。經該督飭令道廳各員添備料物。堆貯工所。隨時鑲護。得資穩固。是上年備料銀一萬兩。尚無浮冒情弊。著准其另款開銷。嗣後不得於額外復有增添。

○十五年

諭河工修防事宜。首重歲修。次則搶修。如果認真經理。自不應有另案之工。從前例價不敷。廳員等或借另案名目。通融辦理。乃自嘉慶十一年加價之後。歲搶

修二項價銀。業已增至兩倍。而另案工程。仍不減少。據工部摺內稱。查曩所奏各案。其以舊埽朽腐。沈陷壅塌。另案開報者。竟有四分之一。是明係歲修工程。不能堅實。甚或止將情形較輕處所。略事補苴。轉將實係沈墊朽腐者。留為另案開銷地步。亟須劃定限制。應即照工部所請。嗣後著該河督等。將每年三汛內修過工段丈尺。分次開單具奏。再行彙案題估。如有現在修防。未經報明淤閉之工。旋因舊埽空虚。沈陷壅塌。另案奏報者。將所需銀兩。著落該道廳等官分別賠繳。不准開銷。並著該河督等將各廳汛新舊

埽工。開具地名起止段落丈尺。某段業經淤閉。某段現在修防。造具總冊送部。其每年增入修防及續經淤閉者。再於秋汛後專案另報。以憑查覈。○十六年奉

旨。直隸溫榆河上游。果渠邨一帶新河培築隄壩各工。前據溫承惠奏估需工料。懇請加給半價銀兩。節經工部駁飭刪減。茲復據奏該處地僻鄉隅。素不產料。工匠人等。又須向別處雇覓。所需腳價較多。若概行刪減。不無掣肘。現在大汛屆臨。購料鳩工。實難減省。可否准將本年及十四五兩年。加給半價開銷。俾免

賠累等語。河工料價等項。俱有定例。不能逾額增加。今據該督奏該處工料情形。不無昂貴。而現在又屆大汛之期。亟須趕辦。不能悉照定價。姑照所請。本年修築加培隄壩等工。並十四十五年已辦工程。俱准其加給半價。覈實造報請銷。但此次加價後。將來不得再行瀆請加增。致開冒濫之漸。儻不隨時撙節。任意浮多。又欲援照此奏。藉詞加給。該部於銷冊到時。除照例覈駁外。並當叅奏議處。○又奏准。山東省運河廳濟城塘河。每年挑出積土。動用四女寺支河生息餘銀募夫遠送。○十九年

諭南河歲搶修經費。舊例每年動用銀五十萬兩。自嘉

慶十二年加增料價以兩倍為止。總不得過一百五十萬兩之數。以後每年題報俱未逾額。此次報銷十七年歲搶修工程。用銀至一百五十九萬餘兩。較之倍加之數。又復增多。若不嚴行駁斥。必至逐年漸增。無所底止。所有此次逾額銀九萬餘兩。即著黎世序及承辦各工員。按數分賠。不許再藉詞聲覆。黎世序仍著傳旨申飭。嗣後歲搶修經費。該河督務遵照原奏均勻覈計。不得逾一百五十萬兩之數。如有樽節。據實題報。其逾額者。即照此次之例。罰賠示懲。○又

奏准。邳宿運河。每歲挑河築壩。需銀五萬餘兩。在兩淮鹽釐加價項下。撥銀六十萬兩。發商按月一分生息。交河庫存儲備用。○又奏准。南河增解歲搶修飯銀三萬餘兩。留於河庫備南河工用。入於歲報河道錢糧冊內造銷。○又奏准。直隸省溫榆河。如有淤墊情形。隨時估報。所需款項。由道庫墊發。歸北運河搶修案內彙奏。○又奏准。直隸省通惠河。歲修壩埽工程銀三千一百餘兩。作正開銷。○又奏准。直隸省通惠河下游。北岸王相公莊草壩前拆鑲邊埽工程。每

年用銀三百二十餘兩。動用生糧廳稅銀。○又奏准。直隸省溫榆河挑淤工程。在通水道庫木稅項下。撥給銀一千五百兩。○又奏准。河南省黃河兩岸防險工程。在司庫存公銀內。動支銀一萬兩。以五千兩分儲南岸鄭州。並歸德府庫。餘五千兩另儲武陟封邱二縣庫。○又奏准。山東省黃河防險工程。在司庫存公銀內。動支銀三千兩。分儲曹單二縣庫。遇有險工。動支搶護。工竣仍照數動撥儲庫。與正項錢糧一體盤查。○二十年奏准。山東省泗河廳滕汛塘河上河。

廳臨清汎塘河積土。每年動支四女寺支河生
息餘銀。冬挑春運。○又覆准。直隸省定州民人
認墾河灘淤地二十六畝。八分二釐五毫。每畝
徵租銀二分。○二十一年

諭。方受疇奏籌撥河工搶險銀兩一摺。豫省河工。每年
於藩庫地丁內撥銀三十萬兩。另款存貯。以為搶險
之用。所有上冬支發。豫買稽料銀十四萬兩。著毋庸
扣除。仍照向例儲備。其臨時添撥銀兩。若於具奏後
給領。實恐緩不濟急。嗣後如遇歲定搶險銀三十萬
兩。將次用完。著該河督察看情形。應需添撥若干。會

同該撫彙明。一面具奏。一面行司提取備用。俟霜降後如有餘存。仍奏明歸還原款。數實報銷。毋稍浮冒。

○又議准。山東省黃河搶修。每年不得過四萬五千兩。運河歲搶修。每年不得過四萬五千兩。河南省黃河搶修。每年不得過二十三萬兩。直隸省南運河搶修。每年不得過六千兩。北運河搶修。每年不得過一萬七千兩。○又奏定。東南兩河。每年另案用過銀數。令該河督將一年統用銀數彙奏一次。並將上三年用銀多寡比較。以備查覈。○又奏准。河南河工。如遇歲定搶險。

銀三十萬兩。將次用完。由該河督察看情形。添撥若干。會同該撫覈明。一面具奏。一面行司提取備用。如有餘存。仍奏明歸還原款。○二十二年

論孫玉庭奏查明鎮江運河。應辦各工。請借項挑修。攤捐還款一摺。鎮江府屬徒陽運河。為江浙漕艘必由之路。江潮灌注。易致停淤。前給事中陶澍條奏濬治。修建各事宜。發交該省確勘。今據該督勘明。分別應緩應修。詳議具奏。其應辦各工。著即照所議辦理。至攤捐歸款。殊可不必。地方應辦公務。朕從不存惜費。

之見。此項工程。既為利漕所必須。所估工料土方價銀八萬零一百五十餘兩。著即在於江蘇藩庫鈔案變價。及鹽規匣費項下。如數動支。飭屬勒限興修。工竣覈實報銷。毋庸攤捐歸款。○又

諭

吳璣奏查明蕭南廳臨黃官隄民堰情形。仍照舊例辦理一摺。蕭南民堰防守多年。較之修築官隄保護更為得力。自應仍舊民堰防守。其王平莊一帶搶築新工。均著照吳璣所勘辦理。至該處民堰工程。雖歸官辦。而借帑興修。仍應照例攤徵還款。該督等率請將民埵改為官隄。錢糧作正開銷。國家經費有常。豈

容例外多糜。黎世序未經妥籌。冒昧陳奏。著交部議處。孫玉庭會銜具奏。著交部察議。○又

諭。御史周鳴鑿奏。河隄歲修工程。請旨覈實辦理一摺。

黃河連年順軌。現在清口一帶。清水高於黃水數尺。河底刷深。海口愈形通暢。所有上游隄岸各工。應倍加慎重。未雨綢繆。實力保護。以期永慶安瀾。著該河督督率廳汛員弁。於歲修工程。務各培築堅實。不可草率偷減。所辦料垛。隨時嚴密稽查。如有虛浮。即行叅辦。其應修各工。確實勘估造報。該部按冊詳查。毋任弊混。○又奏准。加鑲微山湖隄護埽。需銀六千六

百五十餘兩。在山東省司庫動撥。○又奏准。增
培黃河南北兩岸隄壩。津貼銀十二萬三百餘
兩。漕河糧河二廳。津貼銀六萬二千五十餘兩。
在河南山東三省司庫內籌撥。○二十三年奏
准。挑挖東河上河廳臨清汛河岸積土。需銀九
千二百八十二兩零。在四女寺生息項下動支。
○又議准。山東省運河。泇河。捕河三廳。額設兵
丁內抽撥十名。改歸上河廳堂博汛修防。並添
設外委一員。其撥兵糧餉。改歸上河廳領發。○
二十五年奏准。江蘇省疏濬吳淞江河道。節省

銀九千九百五十四兩。發商按月一分起息。解存道庫。為吳淞歲修之需。○又

諭姚祖同奏酌議修理省垣護城大隄一摺。河南省城濱臨黃河。舊有護城大隄。備黑堽等處險工。上年祥符上汛六堡漫溢。以致殘缺多處。亟應繕完。以資保障。據該撫委員勘估。共土三十三萬五千二百五十九方零。需銀六萬四千三百六十九兩零。請於通省攤捐養廉。先借庫款興修。分年接扣歸款。豫省官員。歷年攤扣款項較多。再加攤此項隄工銀兩。恐辦公不免拮据。著加恩賞給銀三萬兩。以為工費。准其作

正報銷。其餘銀三萬四千三百六十九兩零。在於豫省各官養廉內。公同攤扣。並准其先於司庫動撥。嘉慶二十六七兩年。暫將該省衛案軍需二成養廉停扣。此二年中。將此項堤工銀三萬四千餘兩。全行扣完。再扣衛案。以示體恤。

欽定大清會典事例卷九百六

工部

河工 河工經費歲修搶修三

道光元年

諭。豫省連年黃河漫溢。被水各州縣。小民失業者衆。其未經被災之區。亦因歷次河工加價攤徵款項。積累繁多。民力不免支絀。宜緩催科。俾資休息。著加恩將該省衛工。睢工。加價。及陶北河。沁河。賈魯河。並各處隄工。一切應行攤徵銀兩。均展緩三年。再令接續完納。其馬工。儀工。加價。及沁河等項。攤徵銀兩。並著緩

至三年後再行奏明起限。○二年

諭孫玉庭等奏請酌立減黃河堰修守章程一摺。江南徐州府屬銅蕭二縣及睢甯縣天然峯山等牘壩引河宣洩黃流盛漲與正河表裏相關並為各該縣及下游宿靈一帶民命田廬所繫該處河堰向係民修民守近因添設滾壩洩水較大民田屢被漫淹無力修守官防又乏責成自應酌定章程以為一勞永逸之計著照所請准其於峯山河堰緊要處所添設千總一員協防二員效用二員河兵一百名其天然牘河堰銅蕭交界之處亦著設把總一員協防二員效用

用二員。河兵一百名。並籌備歲修經費銀四千兩。存貯府庫。酌發千把總承領。責令隨時督率協防兵夫。周歷防護。該處河堰。遇有應行挑挖。及量加修砌培補之處。均著一律辦理。其每年夏秋防護。春冬挑築各事宜。仍著於黃流盛漲放水之時。飭令地方官協同防守。毋稍疏虞。如有衿棍把持偷挖。立即嚴拿懲辦。所有該弁應支薪俸養廉馬乾餉銀。俱著照河營例支食。即在歲修經費銀內動支。其兵夫歲給工食。及歲修經費。共需銀一萬一千二百兩。著將每年鹽務商捐幫助揚糧廳工需銀一萬兩。照數撥充。尚不

數銀一千二百兩。即在安省水利工程款內撥給。應建汛廨兵房約需銀三千餘兩。現有商捐應解道光元二兩年土工。尚未撥解。除本年應解銀兩。作為修防經費外。其所需汛房工銀。著即於元年商捐項下撥發。該督等務將一切建置章程。妥議覈辦。並責成該道府督屬認真疏築。俾河深堰固。以資經久而衛民生。○又

諭。河南儀工奏銷開報。有以少報多之楷料引河等款。即有以多報少之夫工雜料等款。據玉麟等查明該省歷經辦有成案。委無含混支飾。著即令覈實報銷。

惟夫工項下。誤列銀十萬二千二百七十六兩零。例應剔出。歸入該省原奏二兩經費項下支撥。如或不敷。按照原奏。於通工河撫司道及知縣以上攤捐。不准正項開銷。其提扣八子錢文。雖係以公濟公。而浮支濫用。誠所不免。除提入藩庫銀五千兩外。計數實銀四萬二千七百七十九兩零。姚祖同既未奏明自認賠繳。著即罰賠歸款。計長支料價之邵茶等十一員。未繳銀十萬九千六百二十四兩零。並吳錫寬買草未繳銀五千九百六十兩。照例於原歸銷數內。以六成准其開銷。以四成劃出。著落該撫司道分賠二

成料員各賠二成。原歸銷數之四成。即行扣出。不准列入開銷。其扣出誤列銀。著罰賠八子錢。及分賠料價各項。共合銀十九萬一千二百九十兩零。統令解貯藩庫。河工歲修項下備撥。○又

諭各省河道歲修搶修工程。均有定額。其另案工程。動用在五百兩上下者。分別奏明咨部。所以昭覈實而重帑項也。乃本年豫省河工另案動撥銀至一百餘萬兩之多。如果工程盡歸覈實。錢糧何致逐漸遞增。河工情形。隨時不同。其工用既有增加之年。即應有減少之年。若每歲有增無減。但於胡底。國家經費有

常該河督並不加意撙節。殊負朕委任之意。嗣後遇有應辦工程。著該河督隨時實力稽察。毋得率聽屬員。慫恿致滋浮冒。如有多開工段。寬估虛報等弊。即行嚴叅懲辦。○又奏准永定河於來年歲搶修正額之外。添備防稽料二百四十萬束。需銀二萬五千二百兩。在司庫鹽斤加價生息項下動支。如有餘贖。留為下年之用。○又奏准永定河上游八汛。需用稽料酌加運腳銀共八千五百兩。○
又奉

旨。戶部議覆署河東河道總督嚴烺等奏。請於例撥防

險銀兩外。循例添撥銀三十萬兩。以裕工需。著照所議。准其在河南藩庫徵存地丁項下。動撥銀三十萬兩。另款存貯備用。至此項豫備搶險銀兩。嘉慶二十三年以前。均添撥銀二十萬兩。自二十四年續請添撥之後。即每年援以為例。概請添撥銀三十萬兩。黃河水勢長落靡常。原應察看情形。豫為籌備。然需用之數。亦當歲有贏絀。何以增添之後。輒即作為常額。其奏請添撥摺內。僅稱例撥銀兩。將次用罄。並未將動用數目。切實聲明。恐啟浮冒之漸。著該署河督等將豫撥帑項。樽節動用。嚴飭廳員。覈實支銷。總期工

歸實用。帑不虛糜。嗣後請撥工需。摺內務將已用銀數切實聲敘。以憑稽覈。○又奏准疏濬江南省銅蕭。昨三縣及宿州靈璧各境內引河壩堰。江省工需。在蘇州藩庫動撥。安省工需。在本省藩庫撥給。均作正開銷。○又奏准江南省拳山河堰。天然插河堰。籌備歲修經費銀四千兩。存儲徐州府庫酌發。○四年

諭將攸鈺奏請將歲修永定河節省餘銀。培修殘缺隄工等語。永定河向有疏濬下口工程。歲修銀五千兩。於每年春融勘辦。惟年來盛漲時水過沙停。隨空隨

淤。徒滋糜費。至兩岸隄工。並無額設加培銀兩。聞數
年修補一次。愈久愈塌。工費較繁。自應酌盈劑虛。分
別妥辦。著照所請。嗣後於秋汛後。察看下口形勢。擇
其切灘取直。實在得力之處。量為疏濬。並將兩岸殘
缺隄工。修補加培。此兩項工程。總不得過歲修五千
兩之數。所用銀兩。統歸歲修案內報銷。○五年

諭

程祖洛奏。察看豫省攤徵加價積欠一摺。前據奏籌
議接徵河工加價等款。曾經降旨。令該督將嘉慶十
八年至二十五年積欠等項。暫緩一年。察看情形。據
實具奏。茲據該撫查明前項積欠。本係該省查豁項

內。因年款較近。劃出從前延欠。多係被災窮民。嗣因
災積壓。欠戶非原業。且又有遞年應攤款項。若新
舊並徵。民力不免拮据。自係實在情形。所有嘉慶十
八年至二十五年積欠。加價攤徵等款。共八十二萬
七千二百四十兩零。除蘭陽因災已豁。各加價銀九
千四百二十九兩零。尚應徵銀八十一萬八千二百
十兩零。著加恩概予豁免。此係朕軫念窮黎。恩施格
外。經此次蠲免之後。民力自可展舒。嗣後該省應完
現年丁耗。並應攤加價及帶徵歷年錢漕徵款。該撫
務當嚴飭各屬實力徵催。年清年款。毋得藉口積逋。

妄生冀倖。該撫亦不得冒昧再行奏請。國家經費有常。曠典不可屢邀也。○八年

諭。熱河每年挑挖旱河等工。所需工料銀兩。向例在熱河道庫生息項下支給。仍由直隸總督題明冊結咨報工部覈銷。茲據松筠奏稱。歷屆報銷。直隸總督因業已具題者。未經工部覈覆。不能越次題銷。以致辦理稽延。現在熱河錢穀等件。均歸都統辦理。著照所請。將道光二年至六年挑挖旱河等工。並元年至五年開通水道。用過銀兩數目冊結。統報工部覈銷。免其具題。其道光七年歲修旱河等工。六年開通水道。

動支銀兩。著一併報部辦理。嗣後每年報銷此項工料銀兩。著即由該都統專摺具奏。冊結咨部覈銷。以歸簡易。○又奉

旨。工部議覆嚴煨奏豫東黃河兩岸各廳隄堰壩戩等工。所開丈尺土方銀數單內。土方價銀二錢一分六釐。至三四錢不等。並未將例價津貼各若干。分析聲敘。著該河督即飭該道於估銷冊內。分別開明。具題覈辦。至例價外津貼一項。原係偶爾請加。乃至嘉慶十九年以後。除二十年及二十四五等年照例開報外。其餘各年俱請加津貼。援以為常。年復一年。何所

底止。嗣後該河督務當覈實估計。力求撙節。不得任聽工員率請津貼。致滋糜費。前經工部奏定章程。令河督將一年統用銀數彙奏一次。並將上三年用銀多寡比較。以備查覈。乃該河督每年總未將增培隄工銀數列入彙奏單內。率以奏撥之項。非常年例辦銀款為辭。試思隄工年年增培。自應統入比較。著河督嗣後彙奏單內。除歲搶修定額外。凡一年另案工程。俱併入單內開明。並將上三年用過銀數聲明比較。毋得稍涉含混。致干重咎。○又

論。河工需費。為度支之大端。近年例撥歲修搶修銀兩

外。復有另案工程名目。自道光元年以來。每年約共需銀五六百萬餘兩。昨南河請撥修隄建壩等項。工需一百二十九萬兩。又係另案外所添之另案。而前此高堰石工。以及黃河挑工耗費。又不下一千餘萬之多。果使河湖日有起色。豈復靳此帑金。惟常年所撥例項。原為修防搶險而設。若一切修治得宜。則不應險工新工。層見疊出。雖據該河督等於請帑摺內聲稱。如有節省。存為下年工用。亦不見實有節省。向來河工積弊。廳汛員弁總利於辨工。即如黃河生灣迎溜之處。時而鑲做埽段。固有不得不然之勢。然其

聞有不應錄而妄施工段者。尚不知其凡幾。總不過為開銷錢糧地步。甚至溜隨埽斜。對岸生險。險生而工費迄無已時。迨至失事。則又指為無工處所。冀圖影射規避。縱有應行賠修工段。亦止先以帑項興辦。賠項終無繳期。在該河督等受恩深重。具有天良。或不致稍為濡染。豈能保工員之必無浮冒。國家經費有常。斷不容以如許帑藏。供此漏卮。前經降旨。不得藉口另案名目。任意虛糜。嗣後該河督等。務將年例撥解工需。加意撙節。如有應辦之工。不能不假手糜汎員弁。然總須責成該管河道。各矢天良。認真督辦。

有犯必懲。該河督等亦應破除情面。時加查察。稍有偷減虛冒等弊。該道徇隱不揭。一併嚴參懲辦。以期力挽錮習。工歸實用。經此次飭諭之後。無論歲修搶修。及隨時興舉要工。仍不能工堅料實。致令帑項虛糜。或經朕訪聞。或被入糾參。定將工員河道及該河督等一併執法嚴懲。不稍寬貸。○九年

諭。御史宋劬毅奏。河工數減。應繳銀款。請飭隨案報追。以清帑項。一摺。定例辦工員弁。有未完數減等銀。勒限全完。如逾限不完。即停其升補。分別查參。現據該御史奏稱。南河清查各員繳項。自道光元年至七年

止。共欠至四十八萬三千餘兩之多。皆由該河督等
於覈減應支之款。當時俱未經報部。無可稽查。亦無
定限處分。以致工員任意虧欠。直至清查後。始造冊
送部行追。各員皆久經離任。即現在服官南河者。亦
無多人。是此項銀兩。大半竟成虧缺。日積月累。愈欠
愈多。漏卮之出。何所底止。嗣後南河及東河承辦工
程。所有工料銀數多寡。著該河督飭令各該道逐案
確切勘明。凡有覈減應追款項。即隨工程題咨各案
報部。照例起限著追。如有逾限不完者。即著分別查
參懲辦。不得以墊發為詞。致滋流弊。○又奏准。嗣後

彙奏一年另案銀數單內。除歲修搶修定額外。如實係興舉大工。應於摺內奏明不入比較。其餘常年奏明另案工程。均令併入單內開明。將上三年用過銀數。聲明比較。毋得另立專案辦理名目。○又奉

旨。曹振鏞等奏查明江南河庫欠繳銀兩。請飭嚴追。並禁濫行支發一摺。江南河庫錢糧。每年該河督盤查。加結送部。不容絲毫虧短。乃自乾隆四十七年起。至嘉慶二十五年止。經前任河督黎世序奏報。在外追繳之款。現在尚未完銀五十二萬二千九百九十餘

兩。該部節次行追。因各員久經離任。未能剋期歸繳。茲又據張井奏。清蘆河庫各員應繳之項。自道光元年。至七年。共銀四十八萬三千餘兩。並未按期追繳。是河庫之銀。一經支發。即歸無著。國帑攸關。豈容任意侵蝕。著照所議。將現在冊報各員外追之款。照冊報原欠年月扣限。如逾限不完。照承追南河欠項定例辦理。不得按此時奏咨到部起限。以致日久懸宕。並著嗣後每年盤查河庫。俱應據實結報。不得復有外追名目。儻仍前濫行支發。又不立時嚴追。著照河工會差不慎本例。如本人無力完繳。著落上司攤賠。

及持款支銷錢糧動款時不報部。著落擅動官獨賠各條嚴叅覈辦。卽責成該河督暨河庫並管理河務各道隨時認真稽查。毋得置身事外。俾各工員知所儆懼。而錢糧不致侵挪虧短。以昭覈實。○十二年奏准修補伊犂惠遠城大河隄岸。動用滿營馬價利銀一千八十兩。作為歲修之項。○十四年

諭麟慶奏查明道光十二年徐州等四道屬另案工用銀數。比較開單呈覽一摺。南河徐州淮揚淮海常鎮四道屬另案各工。連培隄築壩拋石修補石底挑河等案。經該署河督查明。共用銀三百四十八萬二千

八百九十九兩零。比較道光十一年。計多用銀一百零八萬一千九十兩零。比較道光十年。計多用銀八十五萬四千六百六十七兩零。比較道光九年。計多用銀九十七萬三千一百六十兩零。國家經費有常。豈容任意開銷。况南河連歲安瀾。于家灣缺口工程。尚未列入比較。而工用銀數。竟加增至一百餘萬。暨八九十餘萬之多。似此逐歲增加。年復一年。伊於胡底。該署河督等務。須激發天良。力加撙節。嚴飭承辦各工員。覈實經理。不得任意增多。總期歲需工項。有減無增。於工程實有裨益。而帑項不至虛糜。○十五

年奉

旨。工部奏覈議東南兩河另案工程銀數不能覈實。請飭令各該河督分析具奏。並嚴定章程以杜浮冒。一摺。兩河工程不外歲修另案及興舉大工三項。除歲修工程銀有定額。興舉大工事非常有。均照舊不入比較外。其另案工程銀無定額。工無定處。影射浮開。及事後增添情弊。不可不防。是以向來辦理例案。有興工之段落。而後可以彙奏清單。有清單之數目。而後可以比較多寡。茲據該部查覈南河十三年分比較單內。無案可覈之銀三十二萬七千餘兩。又專案

辦理業經撥帑。未據分析之銀五十二萬四千九百餘兩。東河十四年分未奏清單。先入比較之銀二十七萬三千餘兩。前後數目不符。奏報不遵例限。已辦之工。部中無案。已動之帑。估銷無期。比較單內。不過虛名節省。其豫報浮數未奏清單及專案數目。已出比較之外者。更不難事後增添。巧為湊合。且搶險防汛已完之工。易於覈計。尤非懸估未辦者可比。所有此次查出指名各數。著各該河督逐款分析。速行具奏。以憑查覈。嗣後每年彙奏清單。務遵奏定限期。無論奏咨各案。彙為一冊。其比較上三年之數。原從清

單而出。毋庸分為兩事。致滋歧異。著各該河督附摺聲明比較。另列一單。具奏後。飭部查覈覆奏。如有遺漏。續報之案。或藉詞延玩。先入比較。後補清單。即照搶險工程估銷逾限著落賠還之例。不准開銷。其專案名目。永遠革除。以歸畫一。而杜浮冒。○十七年

諭。東南兩河每歲另案工程。奏銷銀數。曾降旨飭工部按照開報銷冊。逐款勾稽。開具簡明總數。於年終彙奏一次。該河督自應遵照辦理。茲據該部查明東河原陽兩汛。動用本款銀四萬四千三百八十八兩零。未曾列入比較。辦理殊未畫一。嗣後無論動用何款。

著一律歸入比較。其餘贍防料。如來年本工動用。即行報部查覈。毋得含混參差。以昭覈實。至南河比較清單。遲至上年封印時始行奏到。致今年內未能覈辦。殊屬延玩。嗣後務照定例。於霜降後迅速具奏。毋再遲逾。以符定限。○又

諭粟毓美奏運河庫存貯節省八束銀兩現已用完。請援案撥發提貯備用等語。著准其於開歸河北兩道庫各撥銀八千兩。克沂道庫撥銀四千兩。共撥節省八束銀二萬兩。解交運河道庫存貯。並著各該道造具收支檔冊報部存案。該河督仍須嚴飭該道妥為

收貯。非遇要工。不准擅動。○又

諭。山東運河。加河捕河。上河下河。等廳冬挑工程。除本年聲明淤淺情形。非常年挑濬所能濟運。業經降旨允准外。著援照江蘇丹陽丹徒運河之例。六年始准加挑一次。其常年挑完銀數。仍不准過五萬兩。如加挑之年。著照該部酌中定議銀數。不准過六萬兩。如受淤較輕。止須擇段挑完。或僅須撈淺。該河督臨時相度。展緩辦理。不得恃有定額。儘數開銷。○又奏准永定河淤墊日高。莊民希圖佔種。嗣後無水則止徵租息。出夫防汛。有水則任其蕩漾。立將夫

戶開除於杜絕侵佔之中。仍存不與水爭地之意。○十九年奏准北岸黃沁廳屬之馬營榮原兩隄。南岸下南廳屬之祥符下汛陳留汛。每廳各購甓五千方。於情形險要之處酌量多寡分段堆儲。以備搶辦要工。○又奏准河南省各廳縣捐銀一萬兩。發商按月一分生息。作為武陟縣沁河兩岸隄工經費。○二十三年

諭。訥爾經額奏籌撥銀兩。分別修築隄工。民瘼等語。本年直隸東光縣趙家隄汛工漫溢衝決。經該督估需工費銀六千九百餘兩。著准其在於永定河捐輸銀

內撥用。其故城縣鄭家口北民埝工需銀七千五百餘兩。向係民修工程。例應借項修築。分年攤徵還款。惟民力恐有未逮。著一律准其在於捐項內撥用。此次條屬優加體恤。以後歲修搶修。自應仍照舊章辦理。所有前項工程。均著免其造冊報銷。○二十八年奏准。南河每年工用。以三百萬兩為率。○二十

九年

諭。據工部奏查南河工用銀兩。前經署河督李星沅奏明。每年尋常例用。當以三百萬兩為率。河督楊以增到任後。所奏亦同。乃甫經酌定。該河督現奏又謂不

數殊覺矛盾。恐有受屬員蒙蔽之處。本年五套吳城七堡漫口各工。均責令各該廳員全數賠修。甚覺敷實。其餘尋常工程。自宜樽節動用。毋逾奏准之數。以符成議。嗣後南河於霜降後報銷之時。儻有數逾三百萬兩以外。無論分毫。即著概行議駁。並著工部於每歲南河報銷奏到。開列比較清單呈覽時。將曾否逾數。駁去若干。及實未逾數之處。覈實聲明。以防浮濫。並著戶部存記。○三十年

諭據戶部工部奏稱。南河工用。奏准每歲動用銀以三百萬兩為率。此外不准絲毫濫支。並將用贖銀數報

部聲明。作何扣抵。該河督自當實力奉行。乃於餘銀扣抵一節。輒以河庫應收之款。掇欠甚多。動用之外。並無餘騰。籠統奏報。殊於成案不符。著該河督覈實報銷。如有餘騰。明析咨部。聽候撥用。並著該部隨時察覈。不得任其支飾牽混。○又覆准南河河庫每年例收銀五六十萬兩。又兩次部撥銀二百七十萬兩。前次奏定每年例用以三百萬兩為率。其餘數十萬兩。劃歸次年支用。嗣後每年餘騰銀兩。免其劃抵。均歸另案比較。總不得於例撥二百七十萬兩之外。再有加增。○又奏准永定河

歲修稽料。每束加增運腳二釐五毫。並添購備
防稽料二百四十萬束。○咸豐四年。裁汰南河
河庫道。所管錢糧。歸淮海揚淮海淮徐各道分管。
其葦務報銷。歸淮海道管理。公項款內額支。並
官兵俸餉武職養廉堡夫工食等款。歸總河彙
總辦理。○又議准永定河南運河北運河溫榆
河各用款。均減半給發。以銀票各半動撥。○六
年

諭。庚辰奏覆數前次另案工程無可再減。請准照例估
銷一摺。咸豐三年分南河另案清單銀數。經該部駁

令該河督據實刪減。茲據庚長奏稱覆覈底案。均係刪定之工。委難再行覈減。自係實在情形。著准其按照原奏清單銀數。次第題銷。此後另案各工。仍著該河督認真覈減。不得因此。特旨允准。任聽該道廳藉詞掩飾。致開冒濫之端。○八年

諭。工部奏遵旨查議南河另案工程銀數一摺。咸豐七年南河另案銀數。比較六年多用銀四萬八千餘兩。比較四年多用銀十三萬餘兩。當此經費支絀之時。似此逐年遞增。伊於胡底。前經該部議駁。茲據該河督奏稱。實因水漲工險。以致銀數增多。委係實用在

工無可再減。此次姑准所請。即照單開銀數題銷。嗣後該河督務當認真釐剔。加意撙節。不惟不准再有加增。並不准將上年銀數援以為例。以杜浮冒而重工需。○十年議准。河南省蘭儀以下乾河。招墾舊河灘地。分別等第。徵收錢漕。另立灘租款目。每歲經徵完欠職名。造冊送部。具題考覈。○又奏准。裁撤南河各官。其各道所管錢糧。改歸徐州道。淮揚海道分管。其葦務報銷。歸淮揚海道管理。南岸灘地錢糧。解開歸道庫。北岸灘地錢糧。解河北道庫。湊作上游七廳各防之費。抵司庫例。

撥之款。其應徵錢漕。歸地方官徵解。責成乾河各廳督催。○同治元年奏准。山東省運河隄工。加培五寸土方。需銀七千三百五十八兩零。自咸豐十年起。概行停止。○二年奏准。豫省黃河。每年修守及一切防險工程。以實銀二十萬兩為率。原例辦料銀六萬五千兩。歲歲加價二萬七千兩。再於例撥防險銀內撥十一萬兩。其兩道額徵河銀一萬六千兩不等。即歸併在內。其每年應添防料執石及秋撥防險銀兩。俾銀自定章程。按年皆奏請添撥節省。○又奏防險銀自十餘萬至二三十萬不等。○又奏准。黃河節次異漲。上南各廳險工疊出。趕緊搶辦平穩。將隄邊潰塌之處。於南面用土幫做後。

戩以固根本。於北面搶鑲護埽。上下首拋築甃石壩。蓋托以備抵禦。續漲。○又議准。每年修守及一切防險工程。以二十萬兩實銀為率。不得再有另行搶險異常險工名目。致滋流弊。○三年奏准。山東省運河歲搶修酌定銀二萬二千兩。咨案銀六千兩。銀鈔各半搭放。原額歲搶修四萬五千兩。咨案一萬三千兩。○又奏准。永定河用款。每六七百兩。俟南漕仍歸河運。再復舊章。

百兩發給實銀五十兩。○四年

諭。譚廷襄奏搶辦中河廳十三堡險工。繪圖呈覽一摺。據稱中河廳十三堡潰隄圍刷之處。搶辦後戩。因難

條純沙。隨築隨塌。擬於退後數十丈。現築圍埝之處。加高培厚。再將先年老越隄補築完整。以作重障。惟趕築圍埝長三百餘丈。補修老越隄長七百七十八丈。力為收縮。尚有六百餘丈。樽節估計。需銀三萬餘兩。查每年例貯春伏二汛防險銀三十萬兩。上年僅撥銀十一萬兩。節省銀十九萬兩。請提撥現銀三萬兩。俾資趕辦等語。中河十三堡存灘被刷。驟出奇險。現雖搶辦漸臻底定。而築埝修隄。既據譚廷襄奏萬分緊迫。自未便稍涉延緩。致誤要需。著張之萬督飭藩司。於上年春伏二汛節省銀兩內。提撥現銀三萬

兩俾供支放。至石家橋鄭下汛九堡。刷塌隄邊二十餘丈。亦關緊要。即照譚廷襄所擬認真辦理。○又議
准東河歲搶修及一切工程款項。均仍按銀錢
各半放給。○又

諭張之萬奏籌備上南祥河兩廳險要工程。請酌撥節
省防險銀兩一摺。河南上南廳鄭州下汛等處。本年
疊出險工。均經搶護平穩。惟轉瞬春融水長。隄埽塌
墊堪虞。亟應豫籌經費物料以濟要需。現經張之萬
於鄭州下汛十堡十一堡。估需銀五萬餘兩。祥符上
汛十五堡。估需銀四萬餘兩。內力加覈減。必須添撥

銀六萬兩。始敷辦理要工。所陳自係實在情形。著吳昌壽按照該河督所請。迅速飭令藩司於新章司撥二十萬兩外。再撥節省防險銀六萬兩。並前任河督譚廷襄奏准定章。年前應撥料麻四成價銀一併勒限於年前全數解交張之萬。俾得及時趕辦。毋許稍有延緩。其南岸下南廳及兩岸長隄各工。並著張之萬隨時察看情形。認真經理。○又奏准挑挖山東省運河。估銀四萬三千兩。嗣後歲修搶修。均按銀鈔各半放給。○又奏准葦蕩左右兩營蕩柴變價。按實錢合銀分案造銷。○又奏准直隸省北

運河用款。每百兩發給實銀三十七兩五錢。

○又奏准山東省運河另案工程。每年酌定銀五

萬兩。

原額十萬兩。

○五年奏准山東運司福建鹽道

額解河銀七千兩。長蘆兩廣等運庫額解各一

萬兩。浙江杭嘉湖三府額解一萬五百兩。照舊

按年徵解。備湖運各工經費。○又奏准東河上

祥兩廳工程緊要。所有上南廳屬添撥銀五萬

兩。祥河廳屬添撥銀三萬兩。在於歷年節省防

險項下撥給。○六年議准直隸省溫榆河果渠

卹每年歲修疏築動用銀三千一百餘兩。減平

之後。又搭五成鈔票。辦理實在不敷。嗣後按原估數目。每千兩。發給實銀三百七十五兩。○七

年

諭。本日據蘇廷魁馳奏。黃河伏漲異常。請飭豫撫撥款防秋。並中河廳搶辦險工情形各摺片。豫省黃河兩岸工程。因歷年經費未充。辦理久經竭蹶。本年伏汛。盛漲異常。七廳兩岸險工到處疊出。中河祥河兩廳尤甚。所稱稽料之艱。餉需之絀。自係實在情形。現在伏汛未完。秋期正遠。若不急籌餉需。趕備稽料堵禦。勢將不可收拾。著李鶴年於豫省庫存項內。無論何

款立即籌撥開歸道銀五萬兩。河北道銀四萬兩。剋期交付。俾資修守。該撫務當顧全大局。不可視為泛常。稍涉游移推諉。貽誤干咎。除分撥九萬兩外。屆時儻遇險工。再有不敷。仍著該撫設法另籌。隨時撥解。並著蘇廷魁督飭開歸河北兩道。率同各廳員認真趕辦各料。用資秋汛修防。並將中河廳屬中牟下汛三堡隄身。趕緊設法搶護。俾臻穩固。○八年

諭。堰盱長隄為淮陽保障。年久潰塌。亟須修復。據該督奏稱。各省額解河銀尚多懸欠。一時無款興修。請飭浙江等省。將歲協清淮軍餉。按年撥解。為舉辦隄工。

之用。約四五年後。隄工完固。再行停止。並請飭催欠解河銀等語。著將浙江江西湖北湖南歲協清淮餉銀各二萬兩。自同治九年始。照舊按年撥解。即將應修各工。以次興辦。浙江積欠清淮協餉尚多。亦著如數補解。至山東浙江廣東欠解河銀。並著迅速撥解。以濟要需。○九年議准。永定河歲搶修經費不敷。加撥銀二萬三千餘兩。○又奏准。直隸省北運河用款。每百兩發給實銀四十兩。○又奏准。豁免山東省東平州民欠攤徵隄工銀兩。○又議准。直隸省沿河州縣。經徵河淤地租。為永定河辦

公之費。嗣後均以八分為率。如不及數。分別參處。○又奏准直隸省每年派撥民夫。上隄積土。防守險工。責成沿河州縣。循照舊章。如數派撥。儻有包折等弊。即將該州縣嚴參。至伏秋大汛。遇有險工。及堵築漫口之時。購料雇夫。最為緊要。責成該州縣。剴切曉諭。不得聽居民。擡價居奇。河工員弁。亦不准抑勒苛派。及諉過推卸。以重工需。而免騷擾。○十年奏准撥山東省運河六廳另案工程銀六萬兩。○十一年奏准直隸省南運河用款。每百兩發給實銀四十兩。○十

二年奏准永定河額定歲搶修等銀九萬四千

七百兩均按原額發給十成實銀

原定歲修銀三萬四千兩

搶修銀二萬七千兩備防稽料加運腳銀二萬五千二百兩上游加運腳銀八千五百兩其

每年加撥之二萬三千兩毋庸再撥○又奏准

山東省運河各廳額定歲搶修銀兩自同治十

三年為始以二萬六千兩為率咨業工程以七

千兩為率○又奏准直隸省趙王河下口鷹嘴

壩建牆一座牆夫工食於庫存地租項下動支

○十三年奏准熱河之旱河工程毫無實濟暫

行停修以節經費其生息銀兩存儲道庫備用

如有必須興修之處。再隨時專案奏明辦理。

光緒元年奏准江蘇省阜甯縣境黃河兩岸涸出灘地。招佃升科。計地二百二頃三十六畝。三釐。又清出溢地二百二十七頃四十四畝三分四釐一毫。內上則地每頃徵租銀九錢五分二釐。中則地每頃徵租銀五錢。下則地每頃徵租銀二錢八分。共徵租銀一百九十四兩八錢六分三釐五毫八絲二忽八微。自同治十年起徵。其清出溢地於同治十一年起徵。又清水套租地十六頃六畝零。共徵租銀七兩四錢三分三

釐六毫一絲三忽三微。應徵正銀解漕督衙門。耗銀解司。歸入灘租款額。奏銷造報。○又奏准直隸省無極等州縣境內隄河各工。在於租項下。按年的撥歲修銀兩。為隄河修防。應用民夫土方等項。循例歸民承辦。並免造冊報銷。嗣後修辦別項工程。不得援以為例。仍按年於工竣時。將工段丈尺。動用銀數。照例開單奏報。並承辦各員保固切結。一併咨部備查。○又

諭。黃河工程。關係緊要。所有來年修守事務。自應豫為籌備。著李慶翱。劉齊銜。飭令藩司。照數籌撥。於

年前先撥四成。春汛時再撥六成。俾資應用。○二年奏准添撥銀二萬八千三百兩。備修黃河兩岸要工。○又覆准嗣後修辦咨案工程。務將某年工程動用何年何省銀兩。分案詳細聲敘。以憑稽覈。○又奏准黃河修守。土工為先。現在開歸道屬上南中河下南三廳。河北道屬黃沁衛糧祥河。下北四廳。共用例津二價銀四萬八千四百八十九兩有零。均係亟應辦理之工。另案開銷。○三年奏准山東省運河廳屬濟甯汛挑河築隄。動用銀兩。委係實用實銷。並無浮冒。此

項工需。係專案奏請。非同常年歲修。將來毋庸列入比較。○四年奏准。熱河挑挖旱河。嗣後照舊歲修。○又奏准。直隸省南運河歲搶修銀兩。自光緒五年起。於四成實銀外。再加六成。統按十成實銀。由藩庫旗租項下給發。○五年咨准。山東省運河八里廟新設牖夫二十八名。工食每名歲支銀十四兩四錢。遇閏加增。在道庫收存兵夫工食項下。按八折實銀支發。作正開銷。○六年奏准。挑挖山東省加河廳屬十字河。每年添撥歲修銀三千兩。由司庫撥給。交運河道

應用。○八年議准直隸省東明黃河每年由藩庫撥山東各撥銀二萬兩以資修防。○又咨准山東省代募泉夫津貼暫停給發。○九年奏准直隸省東明黃河添購防料銀三萬餘兩。○十年永定河額領歲款免扣六分平銀五千六百餘兩作為雇夫挑土經費彙入歲搶修案內造報。○又奏定河南省河工額款自光緒十一年為始開歸道屬酌減一成銀一萬二千兩河北道屬酌減二成銀一萬六千兩報部候撥。○又奏准山東省黃河下游每年額撥防汛銀三十

二萬兩。上游每年撥防汛銀八萬兩。○又奏准山東省河工。並無廳汛。設立河防總局。經理一切收支銀款。○又奏准直隸省南運河歲修不得過一萬五千兩。北運河歲修不得過一萬九千兩。如工程較少年分。樽節辦理。○又奏准直隸省溫榆河果渠邨隄身河底工程。每年歲修用銀三千一百兩。在道庫丁字沽米稅項下撥給。○又

諭自明年為始。將歲修減成等項銀兩。均存司庫。冬閒截數奏明。請旨候撥。嗣後作為定章。如曩減之

數。逐歲增多。將督辦承辦之道。廳奏請獎敘。儻有
不肖河員。徂於故習。貪利侵欺。立即嚴叅懲辦。該
河督務當督飭各道廳。將所籌添壩減埽。認真經
理。以期工堅帑省。

欽定大清會典事例卷九百七

工部

河工 物料一

物料○康熙十二年題准大工需柳先從本地採辦。再有不敷於近省協濟。○十七年覆准江南省宿桃山清安等縣每土一方給銀一錢三分。徐廬秦睢邳等府州每土一方給銀一錢四分。永為定例。○三十七年奏准將順天府房山等十二州縣錢糧解永定河分司購料備用。○三十八年覆准江南省海州山陽地方設立葦

蕩營官兵。每年採葦一百十八萬餘束。作為定額。○三十九年議准。嗣後排椿購木。令該道廳赴工驗看。是否與原估尺寸相符。承築之官。椿用整木。籤釘。埽用整柴。鑲塞。如修築不堅。該道廳揭報。徇隱者。一併題參。況弁革究。○五十二年覆准。江南省裏河山盱兩廳工程。均用蕩柴。每束銀二分二釐。徐屬地方。卷埽鑲墊。參用葦蘆。每束銀一分。如用秫稻開銷蘆價者。該督查明題參。○五十八年覆准。江南省海州山陽地方。蕩地淤墊。不產葦柴。裁汰官兵。省俸餉銀一

萬八千餘兩。又淤地墾種升科銀四千餘兩。購買葦柴如額。○五十九年覆准。嗣後一應購買物料。嚴飭河官協同地方官親身赴買。仍取具地方官並無累民等弊印結送部。如被累之百姓具呈出首。許該地方官詳報總河督撫據實題參。○雍正三年議准。嗣後豫省修築平易隄工。每土一方。給銀九分六釐。永為定例。其險工取土較遠者。該道察覈酌增。不得浮冒。如不肖河官。以近土作遠土。捏飾冒銷者。題參。○四年覆准。江南省海州山陽地方。蘆葦叢生。復設葦

蕩營官兵採割。除照舊額一百二十萬束外。再增採三十萬束。○五年覆准。豫省河工歲修所用秫稽。定於八月內。動道庫銀分給各廳。限十月照額辦足。仍令管河道查驗。如限內不能辦完。及有短少者。指名題參。工竣覈實。每百斤以七分報銷。○又覆准。河工辦料。百萬斤限十日。二百萬斤限二十日。照數遞增。並令依限交工。如逾限不完。將承辦遲延職名題參。○又覆准。各河同知轉發各官承辦物料。取其分辦人員照數領足價值印甘各結。申送查覈。如無各結。

即將該同知侵扣短少之處參究。分辦之官。不能如數交完物料者。一併題參。分別治罪。○又覆准嗣後豫省採買歲修搶修物料。廳汛各官互相秤收。印官分辦者。亦令廳官秤收。取具並無短少印甘各結存案。如有徇隱。即將該廳汛官題參。加倍治罪。○又覆准豫省豫備物料。堆儲險工上游。編立字號。每堆以五萬斤為率。僅有微爛虧空情弊。即將該廳汛各官題參。著落賠補。○又議准開濬河道。濬河之土。四面各闊一丈。高一尺。為一方。給銀九分。積高一丈。為一

大方給銀九錢。又覆准豫省河工承辦物料。報完之日。委就近賢員盤查。具結申送。如有短少。著落承辦秤收之官分賠。僮盤查之人瞻徇情面。照徇庇例議處。短少物料。仍照盤查倉庫例分賠。僮盤查原係實存。以後該員私自挪移變賣。照侵蝕錢糧例治罪。○六年定。河工採辦葦價。山案外河二廳。每束銀二分。桃源裏河高堰安清。中河四廳。每束銀二分一釐。揚河江防宿虹宿桃中河四廳。每束銀二分二釐。徐屬邳睢二廳。每束銀二分五釐。山盱廳。每束銀二分。

四釐。絲麻價值。桃源以下八廳。每斤銀一分三釐。河輒寬五寸厚三寸長一尺二寸。各廳一例定價。每輒銀一分二釐。永為定例。○八年奏准各省督撫總河。將工程緩急物料貴賤悉心查訪。務照本處市價確估題明。九卿集議具奏刊冊頒行。○又覆准江南省一應工程需用柴草。飭令各廳照豫省之例。每年於九十月內豫計需用之料。動支現存河庫銀備辦十分之七分。存緊要之處備用。仍委就近州縣盤查。如辦不足數。照侵蝕錢糧例題參治罪。儻盤查之人扶

同徇隱短少物料。照倉庫錢糧例分賠。仍將失於督查之該管道與扶同徇隱之盤查官一併題參。分別議處。○又議准直隸省各河工。每葦柴一束。長一丈。徑五寸。乾者每束銀一分五釐。溼者一分三釐五毫。青者一分。秫秸亦以長一丈。徑五寸為一束。乾者每束銀九釐五毫。溼者七釐五毫。青者六釐。稻草十斤為一束。價銀一分。至一分六釐。蘇麻每斤價銀一分四釐。至二分。各有差。麻每斤價銀六分。○十年奏准。總河所轄各廳所出河租。蘇麻若干。官柳若干。兵採草

若干。每歲造冊報部。○又議定。豫省河工歲修
稽料。每垛重五萬斤。每斤價銀九毫。按畝派民
自行交工。○十一年議准。豫省上南河。下南河。
上北河。下北河。黃河。歸河。沁河等七廳。東省黃
河。運河。捕河。加河。上河。下河。海。贛等七廳。需用
土方。無論水旱。每方價銀自八分一釐。至二錢
一分六釐。運河土方附近取土者。每方價銀九
分六釐。隔河取土者。每方價銀一錢二分。隔河
用船裝運者。每方價銀一錢四分。水內撈土者。
每方價銀二錢四分。杉木椿料。圓一尺一寸。

至三尺。每根價銀自一錢七分至七錢。永為定例。又議准。江南省黃運湖河興舉。甄石椿埽柴草工程。需用各項物料。淮徐等所屬。及徐屬同知。邳睢宿虹。桃源宿遷。運河裏河。外河。山安海防。高堰。山盱。安清。中河。揚河。揚糧。江防等十廳。柴仿照柳枝青溼乾之例。酌定每年九月至十二月交工。柴性帶潮。仍照三十斤之數。秤收。正月至四月。柴性微乾。每束酌定二十六斤。若五、六、七、八等月。新陳交際。柴性全乾。每束酌定二十二斤。用十六兩官秤秤收。永禁種收之。

法。再有短少。即行參究。椿木圍徑不等。長自一尺以下及一尺至五尺。其價自九分至二十一兩六分不等。內徐屬。屬椿規價值。與市價相依。高堰山。盱二廳。各工椿木。由湖沙險。轉運維艱。按市價加入運腳。較與漕規相符。其邳睢等十廳。各按地之遠近。照徐屬等處酌量遞減。土方從乾地挖土。每方價銀八分。如有積水。加厚水銀一分五釐。搶築及加幫限工。並填壩壓埽等工土價。分別遠近乾瀆難易。酌定八則。每方價銀自一錢二分五釐至二錢五分。石料計丈

給銀。雙料面丁石。每丈自九錢至一兩九錢。雙料裏石。每丈自四錢至九錢。單料面丁石。每丈自三錢六分至九錢五分。各有差。單料裏石。各廳均照雙料裏石折半給銀。石灰。每百斤價銀自七分二釐至一錢四分四釐。汁米。每石價銀一兩二錢。熟鐵。每斤價銀四分。生鐵。一分五釐。鐵索。鐵釘。每斤價銀三分。自雍正十年為始。凡歲修等工。均照此例估銷。○十二年議准。江南省葦蕩營。舊額葦柴一百五十萬束。自雍正十二年為始。加增葦柴二十萬束。統計正柴一百

七十萬束。飭令左右二營分採。全數交工。按例
繳價解庫。按年清額。永為定例。○又議准葦蕩
營額採葦柴。各廳雇船自運六十萬束。交存工
所。其餘一百一十萬束。仍令濬船及期趲運交
廠。○又議准江南省所屬各廳近處乾地取土。
離隄十五丈至五十丈。每方銀一錢二分五釐。
遠處乾地取土。離隄五十丈以外至百丈。及近
處瀟地取土。離隄十五丈至五十丈。每方銀一
錢三分六釐。遠處瀟地取土。離隄五十丈以外
至百丈。每方銀一錢五分。隄根有積水坑塘。繞

越乾地取土。離隄五十丈以外至百五十丈。每方銀一錢七分。繞越瀟地取土。離隄五十丈以外至百五十丈。每方銀一錢八分。隔隄隔河遠處乾地取土。離隄二百丈以外至三百丈。每方銀一錢九分。隔隄隔河遠處瀟地取土。離隄二百丈以外至三百丈。每方銀二錢。水底取土。離隄三十丈至五十丈。每方銀二錢五分。按款刊榜。永為定例遵行。○又議准江南省葦蕩營。原額葦地八千頃九十三畝有奇。於產葦稠密處。所。文明原額畝數。飭令營兵照額採取葦柴。交

工濟用。○又議准豫省河工。每年搶修所用秫
稽。先期酌定數用之數。與歲修同時發帑。於十
一月內。一同照數辦足。運存工所。價值亦照歲
修之例。每百斤以七分報銷。永定成規。○又覆
准江南江防同知疏濬引河。每土一方。給銀一
錢一分。○十三年議准葦蕩營丈出淤地一千
八百一十一頃九十五畝有奇。產葦茂密。以雍正
十三年為始。令左右二營增採正柴五十五萬
束。按年清額。永為定例。○又議准東省黃河搶
修工程。需用秫稽。照豫省搶修之例。於山東管

河道庫節省銀內酌量工程之緩急物料之多寡動支銀五千兩給發黃河廳依限辦料交工價值照歲修例畫一報銷。又議准直隸省完河旱土每方價銀七分。泥濘土每方銀九分。蘆根土每方銀一錢四分。各道同水中撈土天津永定河大名道屬均每方銀一錢一分。通永清河道屬均每方銀一錢八分。又永定河道水葦版方每方銀一錢三分。通永河道礮石土每方銀八分。築隄旱土天津通永大名道均每方銀一錢。永定河道每方七分。清河道每方一錢六

釐六毫。離隄十五丈至三百丈。乾地。滿地。取土。各道均與江南土方之例同。水中撈土。離隄三十丈至五十丈。天津。通永。清河。大名道。與江南例同。永定河道。每方銀二錢一分。○又議准。山東省運河需用河輒。每塊長一尺二寸。寬五寸。厚四寸。價銀一分六釐。面石每丈。運腳自十里至二三十里。價銀一兩八錢。三十里外至四十里。加銀一錢。裏石每丈。價銀九錢。生鐵料每斤。價銀一分。石灰每百斤。一錢四分。四釐。汁米。每石一兩六錢。○又議准。豫省需用楊椿。上北上。

南二廳。在洛陽濟源等縣採辦。洛陽與濟源相對。運至上北河廳屬原武。汎以百五十里為則。陽武汎以二百里為則。封邱汎以二百五十里為則。運至上南河廳屬滎澤。汎以百五十里為則。鄭州汎以二百里為則。陽武汎南岸隄工。在中牟縣工段之內。以二百五十里為則。下北下南二廳。在鞏孟孟津等縣採辦。孟津與孟縣斜對。在洛陽縣之下。運至下北下南二廳屬祥符汎。以二百五十里為則。陳留汎以三百里為則。儀自陳留至蘭陽。河道無多。亦以三百里為則。儀

封汎以三百五十里為則。沁河、黃河、歸河三廳。在温。偃師等縣採辦。偃師與温縣相對。在鞏蓋之下。運至沁河、黃河。二廳屬武陟汎。以五十里為則。運至黃河廳屬滎澤汎北岸。以百里為則。運至歸河廳屬考城汎。以三百里為則。商邱汎。以三百五十里為則。虞城汎。以四百里為則。東省需用楊椿。黃河廳屬曹單三汎。在曹州。單曹城、武定、陶金鄉六州縣採辦。曹汎各工。曹縣以五十里為則。曹州以二百里為則。定陶縣以百五十里為則。單縣、城武縣均。以百里為則。金鄉

縣以二百五十里為則。單汛各工。單縣以五十里為則。金鄉。城武二縣。均以二百里為則。曹縣以百里為則。定陶。曹州。均以二百五十里為則。自四百里至五百里。照加一脚價扣算。以次遞減。每根圍圓自一尺至五尺。長自一丈三尺至五丈三尺。購辦在四百里者。每根價銀六分至三兩四錢五分。遞減至五十里者。每根銀三分九釐。至二兩三錢四分三釐五毫。腳價在內。○乾隆元年。覆准山東省德州。城濠所產蘆葦。責令地方官經營採割備用。○又議准直隸省楊

椿。通永大名清河道椿規。圓圓一尺至四尺。長一丈二尺至四丈三尺。價銀八分六釐至十兩八錢五分七釐。永定河道椿規。徑四寸至一尺。長一丈五尺至三丈四尺。價銀二錢五分至一兩二錢。各有差。天津道椿規。長一丈五尺。徑八寸者。價銀六錢。徑七寸者。五錢。徑六寸者。四錢。○又奏准。江南江防同知。歲修江工。採辦碎石。每百斤。定銀一分二釐。○又

諭。直隸永定河。每夏秋閒。時有衝決。修築隄岸。夫役物料。不能不取辦於民間。胥吏朋比作姦。其人工物料

價值肆意中飽。毫無忌憚。且將物料令民運送工所。往返動經百里。或數十里不等。腳價俱係自備。種種擾累。吾民其何以堪。嗣後河工諸臣。與協辦河務州縣官。皆宜實心籌畫。嚴行稽查。無論歲修搶修。凡民夫物料。應給價值。務照數給發。不得聽任胥吏絲毫扣剋。以致貽累百姓。如有漫不經心。仍蹈前轍者。或經朕訪聞。或被入題參。必從重處分。○二年

諭。豫東二省。河工所用歲修搶修之柴。皆州縣領銀採辦。交工應用。每斤價值。搶修給銀九毫。歲修給銀六毫。此十餘年之例。昨據欽差條奏。豫省歲修六毫之

價不敷採辦。請概給九毫以裕民力。朕已允行。但思東省與豫省河道毗連。壤地相接。所需物料價值大率相同。豫省既已加增。則東省歲修之價亦應照豫省之例。給予九毫。俾運工車價敷足。小民益可踴躍趨事。又

諭。豫東二省河工所用歲修搶修之柴。向因給價不敷採買。已降旨每斤加至九毫以紓民力。茲聞江南徐州所屬州縣濱臨黃河。與山東河南接壤。有葦蕩灘。以挽運藉厝。秫稻之處甚多。採辦之價亦覺不足。所當一體加恩者。著將應加價值照豫東之例加至九

臺者為定例。○三年議准。豫東二省河工需用物料。險要工程。隨時交收。其每年所備歲修搶修物料。均於八月以前。布政使司照額撥銀。移解道庫。該道於八月內。給廳印各官分投採辦。承辦之官務於十二月內。全數交工備用。遲誤者。叅劾。嚴加議處。○又覆准。豫東二省承辦秫稻。交工時。令附近。不管河工之同知通判驗收。○五年議准。河工各廳汛。可以增辦蘆葦者。飭令河官增辦應用。河灘地內。可種蘆葦之處。勸民栽種。以資應用。○八年議准。東省坑塘窪地。所栽

葦草。每束重二十斤。雇人採割。並運送到工腳價。共給刀工銀六釐。○又議准直隸省河甌長寬價值。均照山東運河之例。豆渣石青白石每長一丈。寬厚一尺。均給價銀三錢四分。豆渣石每里遞加運費二分。青白石每里遞加運費二分二釐五毫。○又議准豫省山稍草。每束重三十斤。給價銀二分七釐。蘆根每束重七斤。價銀五釐四毫。草每束重七斤。雇夫採割。給刀工銀一釐六毫。坑塘葦束價值。與東省同。○又議准直隸省永定河石灰。每百斤價銀二錢。通永天

津道各減五分。計米每石概給銀二兩八錢。熟鐵料價與江南同。生鐵錠價銀。永定河道每斤一分六釐。天津道通水道各增一分。生鐵片價銀。永定河道通水道每斤一分二釐。天津減二釐。○九年覆准嗣後河工各廳交代經手工程錢糧務將各項存儲物料一併交清。如有虧缺立即參究追賠。○又奏准江南省河工豐碭銅沛二廳鑲修工程專辦秫稽。每年七月內酌定銀數分發各州縣承辦。定限十月完半。年內全完。令不管河工之廳官秉公驗收。○又議在江

南省豐碭銅沛邳睢宿虹運河桃源桃清裏河
外河山安海防高堰山盱等十三廳需用楊木
照豫東二省樁規視木之大小路程之遠近接
算運費。加增價值。○十六年奏准江南省木龍
工程累年新木舊木並淤損之木詳細分別按
年確數。以上年存工存廠之木為舊管。以本年
增購及別工撥用之木為新收。以折損沙淤及
移撥別工者為開除。以現在存工木龍並存廠
木植為實在。造具四柱清冊。送部查覈。○十九
年議准。江南省挑河土方價值。先經覈定成規。

旱土每方銀八分。水土每方銀九分五釐。今據該督等將淤土各項分爲六則。淤土每方定價銀一錢三分六釐。稀淤土。小沙礮土。瓦礫土。每方定價銀一錢五分。大砂礮土。每方給銀二錢。蜀撈土。每方給銀一錢七分五釐。○二十二年覆准。嗣後徐揚二屬頭關柴稽等料。總於七月內發辦。其稽料限十月內完半。年內全完。柴料限十一月完半。次年正月內全完。二關稽料於九月內發辦。十一月內完半。次年正月內全完。二關柴料於十月內發辦。次年正月內完半。三

月內全完。如逾限不完。及完不足數。將該承辦官停升住俸。再扣限兩月完足。限內照數全完。准其開復。僮再逾限不完。照例降三級調用。該管道府罰俸一年。至未完料物。如果實欠在民。留存在蕩。即著落接任之員。查明追比運交。僮有侵挪虧缺等事。仍照虧空錢糧例。嚴叅治罪。

○三十三年奏准。江南省徐屬各工。就近添買葭草。定價每束二十二斤。連運腳需銀三分三釐。委員分投採買。限年內運交到工。以備臨時應用。○又奏准。江南省邳睢廳沈家湖地方。有

出產青蘆地二十五頃九十畝。官買歸營採割。以備工用。○又

諭。豫省河工埽料。於沿河州縣採買。舊例每草十斤為束。官價九釐。乾隆四年。因歲歉昂貴。每束增銀五釐。今豫省當積歉之餘。採辦恐有不敷。著仍照乾隆四年之例。增銀五釐。俾官民不致墊累。○二十八年奏准。嗣後河工購辦葦柴。於四五月間發辦。秫稻於七八月間發辦。俱名為購料。向來相沿之鹽河上游頭關二關名色。悉行刪除。均限十二月底到齊存工。如逾限不完。將承辦之該廳州縣

照降三級調用例嚴行叅處。該管道府罰俸一年。如果實欠在民在蕩。由接任之員押令叅員催追完報。儻有侵挪虧空。嚴叅治罪。○又奏准嗣後江南省銅沛宿虹桃源運河各廳應用柴束俱兼辦大蘆。各按道路遠近分別酌中定價。儘數採辦。○又議准河工辦理歲修搶修料物以廳員為專管。守備為兼管。稽查做工以守備為專管。廳員為兼管。僕廳員守備互相容隱查出分別議處。如有侵虧偷減扶同捏隱等弊。一併嚴叅審究。按律擬罪。○二十九年奏准嗣後

河工辦料。責成道員稽查。○又奏准。據東廳縣辦料交工。責成道員查驗。將每年派委地方佐雜監收查驗之例停止。○又奏准。直隸省沙莊壩工。每年應需防汛料物。動撥滹沱河生息銀兩。飭成安廣平二縣採存備用。俟汛候該道親赴查驗。○三十年定准。豫省河工歲料。官為代辦。每斤幫給運腳銀一釐。幫價於沿河三十二廳州縣按糧攤徵還款。嗣又改為通省攤徵。○三十一年議准。河南山東二省沿河附近印河文武員弁民人捐栽楊樹。終未得用。將原定議

敘之例停止。嗣後責令管河佐雜會同沿河州縣。在所屬官地擇非鹽鹼之地。無拘定數。儘地栽植。並令該管道員不時查點。如有不加翦修培養者。分別嚴懲。枯槁者勒令賠補。僅有推諉不種。玩視工需。揭報叅處。○又

諭。漫口需用工料。自當按照工程。確覈估計。以濟急需。則鄰省辦運。既易為力。而事後亦不致籌畫周章。豈可多備少用。令協濟省分徒費採買辦運。若復將原料給還。令其繳價歸款。則一出入。耗損必多。所有豫省停運工料。除留該省修用外。並可酌撥山東河

工儲為來年之用。如再有多餘。仍著解運江省備工。概不必給還民戶。以示體恤閭閻之意。嗣後凡有採買物料官用有餘者。均照此辦理。著為令。○三十六年覆准。山東省東平州屬安山湖支河地五頃二十七畝有奇。並接靠柳園餘地四頃五十三畝有奇。共地十頃有奇。栽種葦草。每畝徵葦三束。交工備用。○四十年議准。江南省葦蕩營腰港。迤東新淤地五百十四頃九畝四分八釐。產柴茂盛。歸於蕩柴案內題報。每年採葦三十萬束。○四十三年

諭。豫省儀封考城一帶。黃河漫口奪溜。被災較重。朕心深為軫惻。現在要工需用料物甚急。雖令未被災之各州縣辦運。但念該省昨秋今夏俱係歉收。幸六月得雨後補種秋禾。而七月內陰雨連綿。收成又不免稍減。若照定例給價購辦。尚恐不敷。著再加恩將所辦料物。無論道路遠近。於正價之外。每百斤加價銀五分。小民自必踴躍趨事。可期迅速。嚴工該撫務須督率所屬。實力妥辦。期民間均霑實惠。毋致吏胥侵肥中飽。副朕軫念窮黎之意。○四十四年奏准。豫省歲修搶修稽料麻斤。於例價之外。分別加增。稽

每斤加銀一釐四毫。麻每斤加銀二分二釐。○
五十一年奏准江南省睢甯縣沈家湖官地改
種秬稻。○五十三年

諭嗣後南河如有堵築工程所用物料當以歷年辦過
成案覈定數目為準不得再有加增以杜浮冒欽此
遵

旨議定嗣後該省如有堵築工程或遇物價本昂期限
緊迫實有必需例外加用者准該督等豫行奏
明於報銷時據實開報除賠四外總不得過二
萬二千兩償逾此數工部即覈明奏駁其尋常

口岸仍不得引以為例。○五十七年奉

旨。豫省河工幫價銀兩。從前於通省地糧內一律攤徵。辦理即屬非是。黃河遇有應辦工程。在沿河各州縣均資保障。護衛田廬。為閭閻生計攸關。如偶值工程緊要。採買物料。例價不敷。不得不量為幫貼。於沿河州縣內按數攤徵。尚屬近理。至與河隔遠。全與河工無涉。亦令一體均攤。揆之事理。未為允協。所有此項攤徵積欠未完銀兩。著悉心籌酌。當仍攤歸沿河州縣為是。至河工採辦物料。雖時值貴賤不齊。然各省情形大概相仿。即如江南山東均有河務。俱須採辦。

物料並未聞有例價不敷加增攤派之事。况河工偶
遇險要鉅工。或需用物料緊急。價值較昂。於例價之
外。稍有加增。致須幫價。尚為情理所有。若歲修則係
每年常辦工程。乃亦藉口物價昂貴。輒議增添。竟至
作為定額。年復一年。伊於何底。以小民之脂膏。徒為
不肖官吏影射侵漁地步。尤非朕軫恤民隱之意。此
項歲修。每年率議幫價。起於何時。所有該省初議幫
價及歷任踵行各巡撫。俱著該部查明。同此次奏請
之巡撫。一併嚴加議處。